

ლია ბაკურაძე, მარინა ბერიძე

ზერეიფელი ჰოპონიშიდან - I ზერეიფის ჩართული სოციუმის სახელმოღვაწი¹

მოკლე შინაარსი

ცნობილი ფაქტია, რომ კომპაქტურად მცხოვრები გადა-
სახლებულები ახალ გეოგრაფიულ არეალში ჩასახლების
დროს ადგილის სახელების სახელდებას იწყებენ. ახალ საც-
ხოვრებელ ადგილას გადასახლებულები ცდილობენ „ადადგი-
ნონ“ მშობლიური გარემო (თუნდაც მხოლოდ ენობრივად) და
ამისთვის, პირველ რიგში, ადგილთა სახელდებას იწყებენ:
ქმნიან ახალ სახელწოდებებს იმ ადგილებისთვის, რომელიც
არ არის სახელდებული, ან მათთვის არ არის სახელწოდება
ცნობილი, ან ქმნიან არსებული უცხოვნოვანი სახელწოდებე-
ბის პარალელურ ვარიანტებს საკუთარ ენაზე. უკრეიდნის
ტოპონიმიკაც დიალექტური კუნძულისთვის დამახასიათებელი
კლასიკური პრინციპით ჩამოყალიბდა. ქართველთა მიერ შერ-
ქმეული ადგილის სახელების პარალელურად გვხვდება ოფი-
ციალური, ადმინისტრაციული სახელები, რომლებსაც ისინი,
ფაქტობრივად, არ იყენებენ საუბარში. რეგიონის ქართულ
ტოპონიმიკურ მასალაში სხვადასხვა ფენა იკვეთება (გადატა-
ნილია ტოპონიმი, გადატანილია წარმოების მოდელი და სხვ).
როგორც ირკვევა, ისტორიულ სამშობლოსთან კონტაქტებიც
ახდენდა გავლენას ტოპონიმიკური ინვენტარის ჩამოყალიბების
დინამიკაზე.

საკვანძო სიტყვები: დიალექტოლოგია, ტოპონიმიკა, ენობ-
რივი კუნძული.

¹ კვლევა განხორციელდა შოთა რუსთაველის საქართველოს ეროვნული
სამეცნიერო ფონდის მხარდაჭერით (გრანტის ნომერი 2017438).

FROM THE FEREYDANY TOPOONYMY - I NAMES OF THE VILLAGES OF FEREYDANI

Abstract

It is well known that migrants begin to name their place of residence in a new geographical area. New settlers try to “rebuild” their native environment (at least only linguistically) and start by naming the places: they create new names for places that are not named or are unfamiliar to them, or create parallel versions of existing foreign names in their native language. The Fereydanian toponyms have also emerged from the classical principle inherent to a dialect island. Along with the names of places created by Georgians, there are official, administrative names that they actually do not use in conversation. Various layers of Georgian toponymic material appear in the region (toponyms, a production model and so forth are duplicated.). As it turns out that contacts with the historical homeland also influenced the dynamics of the formation of toponymic inventory.

Key Words: Dialectology, Toponymy, Language Island

შესავალი. სამყაროს ტოპონიმიკური სურათის, როგორც ენობრივი სურათის ნაწილის შესწავლას დიდი მნიშვნელობა აქვს, რადგან მასში აღბეჭდილია ადამიანთა ეთნოკულტურული გამოცდილება და ცოდნის სხვადასხვა სახე, მათ შორის ყოფითი, კულტურული და ისტორიულ-სოციალური.

განსაკუთრებით მნიშვნელოვანია ტოპონიმიკური სურათის შესწავლა იქ, სადაც მასობრივი მიგრაციული ტალღების შედეგად შექმნილი დასახლებებია. ამ მხრივ დიდ მნიშვნელობას იძენს მექვიდმეტე საუკუნეებში სპარსეთში იძულებით გადასახლებულ ქართველთა ტოპონიმიკის შესწავლა. ბუნებრივია, ვერევიდნელი ქართველების ოთხასწლოვანი ცხოვრების ისტორია სპარსეთის მიწაზე ტოპონიმიაზიც აისახა.

ფერევიდნული ტოპონიმის შესწავლის ისტორიიდან

მეოცე საუკუნის 80-იანი წლებიდან ფერევიდნელმა ქართველებმა თავად დაიწყეს ფერევიდნული ტოპონიმების მოძიება და მოგროვება. მათ შორის იყო იმ დროს ფერევიდნის მარტყოფში მცხოვრები (ამჟამად იგი თავისი ოჯახით ქალაქ ისპაპანში ცხოვრობს) რეზო რაპიმი (დავითაშვილი). მის მიერ შეკრუ-

ბილი მარტყოფის ტოპოგროფულები წარმოდგენილი იყო საქართველოში ტაბახმელაში გამართულ საზღვარგარეთ არსებული საოგისტომოების კონგრესზე 1997 წელს.

2002 წელს ბათუმის შოთა რუსთაველის სახელობის სახელმწიფო უნივერსიტეტის კრებულში (II) დაიბეჭდა თედო უთურგაიძის, დარეჯან ჩხებიანიშვილისა და ჯემშიძ გიუნა-შვილის სტატია „ზემო მარტყოფის მიკროტოპონიმიის შესწავლისათვის“. სწორედ ამ სტატიით იწყება ფერეიდნის მიკროტოპონიმიის მეცნიერებული კვლევა.

სტატიის ავტორები აღნიშნავენ, რომ მიკროტოპონიმიის ანალიზის დროს ეყრდნობიან ძირითადად რეზო დავითაშვილის მიერ შეკრებილ მარტყოფის მიკროტოპონიმიას. სტატიას ერთვის ტოპონიმთა ჩამონათვალი (148 ერთეული). (ჩხებიანიშვილი 2012: 151).

ფერეიდნულ ტოპონიმებს ეხება ასევე მურად კემულარიასა და სულხან ქერდოშვილის (ფერეიდნები ქართველი, სოფელ თორელში მცხოვრები), სტატია „ფერეიდნის ტოპონიმიდან“, რომელშიც წარმოდგენილია 200-მდე ერთეული, მასალა მოიცავს არა მხოლოდ მარტყოფის ადრე გამოქვეყნებულ ერთეულთა დიდ ნაწილს, არამედ თორელისა და ახმის ტოპონიმებს.

ფერეიდნები ქართველები დღესაც ინტერესდებიან ფერეიდნული ტოპონიმების შეკრებით, 2017 წელს გამოვიდა რუპოლა სეფიანის (ლადო სეფიაშვილის) წიგნი „ირანის ქართველების მშობლიური მხარე“ (საპარსულ ენაზე), რომელშიც განხილულია ფერეიდნის ტოპონიმები.

2008 წლიდან ჩვენ რამდენჯერმე ვიყავით ფერეიდანში და, შეძლებისდაბარად, ჩავიწერეთ საკმაოდ დიდი მასალა შეელა ქართულ დასახლებაში.

ტოპონიმები პოლიეთნიკურ საზოგადოებაში

მიგრანტთა ისტორიის, თავდაპირებელი საცხოვრისის გასარკვევად და დასაზუსტებლად გეოგრაფიული სახელების შესწავლა და ანალიზი ერთ-ერთი მნიშვნელოვანი პირობაა.

თავის ნაშრომში „საქართველოს, კავკასიისა და მახლობელი აღმოსავლეთის ისტორიულ-ეტიმოლოგიური პრობლემები“ ივანე ჯავახიშვილი ამიერ და იმიერკავკასიის გეოგრაფიული სახელების ანალიზს გვთავაზობს და აღნიშნავს, რომ „ისტორიული საქართველოს მიწა-წყლის ოდინდელი მოსახლეობის ეროვნული ვინაობის გამოსარკვებად ერთ საუკეთესო

საშუალებათაგანად უნდა გეოგრაფიული სახელების ანალიზი იყოს მიჩნეული“ (ჯავახიშვილი, 1998: 42).

იგივე შეიძლება გავიმეოროთ ჩვენც ფერეიდნული ტოპონიმების შესწავლის პროცესში: საქართველოდან იძულებით გადასახლებულთა ახალ საცხოვრისში დადასტურებული გეოგრაფიული სახელების ანალიზი საუკეთესო საშუალებაა აქ მცხოვრები ქართველების „ეროვნული კინაობის გასარკვევად“.

მიგრანტების მიერ დარქმეული სახელები ხშირად მნიშვნელოვანი ისტორიული ფაქტების უტყუარი მოწმეები არიან, თითქოს უჩინო და არაფრით გამორჩეული ტოპონიმიც კი თავისი ფორმითა თუ შინაარსით საყურადღებო დასკვნის გაკუთების საშუალებას იძლევა. მექსიერებით წალებული ცოდნა და ინფორმაცია, პარალელები, ერთგვარი წარმოება ტოპონიმისა, ერთგვარი ხედვა სივრცის, რელიეფის შეფასების ერთგვაროვანი უნარი სწორედ ერთი „ეროვნული კინაობის“ გამომხატველია.

იძულებით გადასახლებულთა დამკიდრება ახალ ადგილზე, ბუნებრივია, დაკავშირებულია უამრავ სირთულესა და წინააღმდეგობებთან, საუბარია არაა მხოლოდ ფიზიკურ, მატერიალურ პრობლემებზე, არამედ სულიერ, ემოციურ მდგომარეობაზე, ადამიანი თავისი წარსულით, რომელიც მისი მექსიერების, მისი ცხოვრების მნიშვნელოვანი ნაწილია, ცდილობს ახალ რეალობაში მოქცევას, დამკიდრებას და გარემოს გათავისებას. ეს არის სწორედ ერთ-ერთი მიზეზი მშობლიური ტოპონიმების დუბლირებისა ახალ საცხოვრისში.

ფერეიდანის მაკროტოპონიმის ერთი ნაწილი ქართული წარმოშობის ტოპონიმები, ე.წ. „სეხნია ტოპონიმებია“, რომელთა არსებობა ფერეიდანში სავარაუდო მოხაზავს იმ არეალს, რომლიდანაც გადასახლეს ქართველები საპარსეოში. ამ ტიპის ტოპონიმებს მექსიერებით წალებულ სახელებს ვუწოდებთ: ვაშლოვანი, მარტყოფი/ახორა/აბურა, შავსოფელი, თორელი, რუისპირი...

„სეხნია“ ტოპონიმების გვერდით იქმნება ახალი ტოპონიმებიც იმ სტრუქტურული მოდელების მიხედვით, რომელიც მათი მშობლიური რეგიონისა თუ ზოგადად, საქართველოს სხვა კუთხებისთვის არის დამახასიათებელი.

ფერეიდნული ტოპონიმების კვლევა განსაკუთრებით საყურადღებოა, რადგან რეგიონი პოლიეთნიკურია: ქართული და სახლებების გარშემო გვხვდება სომხების, თურქების, ლურე-

ბის, ბახტიარების სოფლები. დღეს ვედარ ვისაუბრებთ მხოლოდ ქართველებით დასახლებულ სოფელზე, დაბასა თუ ქალაქზე, უაქტობრივად, ყველგან შეგვხდება სხვა ეროვნების მცხოვრებიც.

როგორც ისტორიული წყაროებიდან დასტურდება, ქართველების ჩამოსახლების დროს ამ რეგიონში უკვე სახლობდნენ სომხები (გადასახლების წლები - 1603/1605), ბახტიარები, ლურები. სწორედ მათ მეზობლად მოუხდათ ქართველებს დამკვიდრება და ადაპტირება ახალ გარემოსთან. ეს მეზობლობა აისახა ფერეიდნის ტოპონიმებში. მისი ერთი ნაწილი არ არის ქართული წარმომავლობისა და, სავარაუდოდ, უნდა უკავშირდებოდეს მეზობელ ეთნიკურ ჯგუფებს. ზოგიერთ ოკონიმს რამდენიმე სახელი აქვს ერთდროულად. მაგალითისთვის შეიძლება დავასახლოთ თორელი, - ამ ქართულ დასახლებას ასევე აქვს თურქული დასახლება - **ღომბექამარი** და სპარსული - **მიანდაშტი**. რა თქმა უნდა, ოფიციალურ-ადმინისტრაციული სახელწოდება სპარსულია - **მიანდაშტი**, უფრო სწორად ბუინ-მიანდაშტი - ორი ქართული დასახლება, თორელი და ბოინი, გაერთიანებულია ერთ ადმინისტრაციულ ერთეულად და დღეს მას უკვე ქალაქის სტაციური აქვს. ასევეა: **მარტყოფი** - **ფერეიდუნშაპრი**; **ნინოწმინდა** - **ქუდუბანაქი**, **რუსპირი** - **აფუსი** და **ა. შ.** დღეს, ბუნებრივია, სპარსული წარმომავლობის ტოპონიმები რფიციალური, ადმინისტრაციული სახელწოდებები. ასევე შეგვიძლია თვალი მივადევნოთ ქართული ტოპონიმების გასპარსულების პროცესს: სოფელი ვაშლოვანი იწოდება სიბაქად. **ვაშლოვანი** - **სიბაქი** (სიბ - სპარს. ვაშლი). საინტერესოა, რომ სპარსულად ნათარგმნი ტოპონიმის ხელახლი გააზრების საფუძველზე ბოლო დროს გაჩნდა ახალი ხალხური ეტიმოლოგიაც: **სიბაქი** (ი) - სპარსულად ოცდაათი ბეგი, დიდებული.

ის, რომ მაკროტოპონიმთა დიდი ნაწილი სინონიმური ხასიათისაა და ერთ დასახლებულ პუნქტს რამდენიმე სახელწოდება აქვს, გამოწვეულია ამ რეგიონის ისტორიული თავისებურებით. საუბრების წინ ფერეიდანში გადასახლებული და ხანგრძლივ იზოლაციაში მოქცეული ქართველები განიცდიდნენ ძლიერ ენობრივ გავლენას. ამავე დროს მოქმედებდა თვითგამიჯვნის ასევე ძლიერი ტენდენცია, რომელიც უძალიანდებოდა უცხო ენის ექსპანსიას. ქართული ტოპონიმებისა და ზო-

გადად ტოპონიმების წარმოებაში ქართული მოდელების შე-
ნარჩუნება ამ ჭიდილის ერთ-ერთი ნათელი გამოვლინებაა.

ფერეიდნის რეგიონის მაკროტოპონიმები

დღეს ქართული სოფლები ფერეიდნის რეგიონში განლაგე-
ბულია ფერეიდუნშაპრისა და ფარიდანისა შაპრესტანებში
(რაიონი). ზოგჯერ ცალკე ოლქად გამოყოფებ ბუინ-მიანდაშტეს.
პირველ ყოვლისა, ყურადღებას იქცევს რეგიონის დასახლებება,
სადაც ქართველები ცხოვრობენ. ამ რეგიონის სახელად წყა-
როებში სხვადასხვა პერიოდში გვხვდება: ფერია; ფერიეთი,
ფრეოდანი, ფერეიდანი, ფარიდანი, ფერიდუნი, ფარაიდანი.

ფერეიდანი, როგორც ჩანს, ოთხ ნაწილად (ნაჟაიად) იყო-
ფოდა, ამ ოთხიდან ერთს ერქება ნაჟაია გორჯი. ეს ტოპონიმი
სპარსულია და ქართულად ნიშნავს ქართველების უბანს. პირ-
ველად სახელწოდება ნაჟაია გორჯი გვხვდება ლადო აღნიაშ-
ვილის წიგნში: „ფერეიდანი დიდი მოზრდილი ადგილია, -
განიყოფება ოთხ ნაწილად. თითო მათგანს ეწოდება სახელად
ნაჟაია. ნაჟაია გორჯი, ნაჟაია თოშმაჭუ, ნაჟაია ვარზად და
ნაჟაია ჩადეგუ“ (ლ. აღნიაშვილი, 1896: 253; 189). უნდა აღი-
ნიშნოს, რომ ჯერ კიდევ ლადო აღნიაშვილის მიერ შედგენილ
ნაჟაია გორჯის რუკაზე მონიშნულია როგორც ქართული, ისე
სხვა ეთნიკური ჯგუფებით დასახლებული სოფლები, რაც
გვაფიქრებინებს, რომ ტოპონიმა ნაჟაია გორჯიმ შემოგვინახა
ადრინდელი საზღვრები ქართველთა განსახლებისა ფერეი-
დანში. რუკას თავზე აწერია: „გურჯი ანუ ქართველთა ნაჟაია“
(აღნიაშვილი, 1896: 309).

ქართველების უბანზე ინფორმაციას გვაწვდის სეიფოლა
იოსელიანი 1922 წელს (ქართული დიალექტოლოგია, 1961: 153;
www.corpora.co, სეიფოლა იოსელიანი), ამბაკო ჭელიძე, რომე-
ლიც 1927 წელს იყო ფერეიდანში, აღნიშნავს, რომ „ქართვე-
ლების უბანს ეწოდება „გურჯი მაჟალე“, თუმცა სპარსულ
ლიტერატურასა და პერიოდულ გამოცემებში ამ სახელს აღარ
ასევნებენ. ისინი შედიან ბახტიარების საერთო აღწერაში, რო-
გორც მაჟალიდანები, მათი ვინაობის აღუნიშნავად“ (ჭელიძე
1935: 64).

თვალი რომ გავადევნოთ 1872 წლიდან დღემდე ფერეიდნის
ქართული სოფლების ჩამონათვალს, ვნახავთ, რომ მათი რი-
ცხვი საქმაოდ დიდია:

ფერეიდუნშაპრი - იგივე ქვემო ახორა (ახორა ფაინი), ზემო
ახორა (ახორა ბალა), იგივე სოფელი, ზემო და ქვემო მარტყო-

ფი,ზემო და ქვემო აკურა; აფუსი/ატუსი/აჭრუზი, იგივე რუისპირი; თორელი/თოლელი იგივე მიანდაშტი, თელავი, დომბექამარი, ქამარი; ბოინი/ბუინი, დაშქესანა, ჩუღრუთი, ახჩა, სიბაქი - იგივე ვაშლოვანი, ჯაყჯაყი; შაიურდი/შაჟიურთა/შავურდი/შავურთი/შაჟურდი;

ასევე დასახელებულია: დეესური/დეპსური; ნინოწმინდა/ქუდუბანაქი/ქუდგუნაქი; შანათი/შანათი; დარბენდი/დარბანდი; სარდაბი; ბადიგანი; ადაგოლი; უზუნ ბულაყი; ხამის ლიანი; ავჭალა; გიორგიწმინდა; ხუნგი; თონეთი; ყარაბაღი; კუთხე; გაღმა სოფელი; ხევის პირი; მელანი; მუკუზანი; მაჩხანი; მეჯრუხევი; ნორიო.

დღეისთვის ქართული სოფლების მხოლოდ ცხრა სახელწოდებაა შემორჩენილი, ესენია: აფუსი (რუისპირი), ბუინ-მიანდაშტი (ბოინი, თორელი,) ახჩა, დაშქესანა, ფერეიდუშშაჟრი (ახორა; მარტყოფი), ნეჟზად აბადი (ჯაყჯაყი), სიბაქი (ვაშლოვანი), ჩუღრუთი. ქართველები ასევე მოსახლეობენ სოფელ ხუნგში, რომელიც ადრე სომხების დასახლება იყო. 1946 წლის რეპატრიაციის შემდეგ სომხები აქ აღარ სახლობენ.

ფერია/ფერეიდანი

პირველი ტოპონიმი, რომელიც ქართულ წყაროებში გვხვდება, არის რეგიონის სახელი ფერია, იგივე არაყის ფერია², - მაკროტოპონიმი, რომელიც ქართველ ისტორიკოსებთან გვხვდება სპარსეთში იძულებით ჩასახლებულ ქართველთა საცხოვრისის სახელდა:

შააბაზ ყენნმა კახეთი წაახდინა და აჟყარა და ფერიას გადაასახლა (წიგნი ქორონიკონი, 1614)² (ჟორდანია, 1897: 441); წავიდნენ, შეეყარნენ აზატ-ხანს ქვეყანასა არაყისასა ფერიას (ორბელიანი, 1981: 209).

იმ ფაქტს, რომ ადრე ფერეიდანს ფერიას უწოდებდნენ, ადასტურებს ლალო ადნიაშვილიც, პირველი ქართველი, რომელმაც იმოგზაურა სპარსეთში ფერეიდნელთა მონახულების მიხნით 1894 წელს. იგი წერს: „მთელ ამ პროვინციას, სადაც მოსახლეობენ ქართველები, ეძახიან ფერეიდანს და ზოგნი ფერიასაც...“ (აღნიაშვილი, 1896: 188).

ლალო აღნიაშვილის განმარტებაც ნათელყოფს, რომ მე-18 საუკუნისთვის ცოცხალი ტოპონიმი ფერია მე-19 საუკუნის ბო-

² Araq -ძველი ქართული ტრადიციით არაყი, ფერეიდანი ადრე შედიოდა არაყის რეგიონში.

ლოსთვის საქართველოში იკარგება და ადგილს უთმობს ფერების.

ქართულ პრესაში სწორედ მე-19 საუკუნის 70-იანი წლებიდან აქტიურდება ფერებიდნელი ქართველების თემა, ამას ხელი მნიშვნელოვნად შეუწყო 1871 წელს ფერებიდნიდან საქართველოში პირველი ფერებიდნელი ქართველის ათამ ონიკაშვილის ჩამოსვლამ.

ფერებიდნის ქართული სოფლების დასახელება 1872 წლიდან გვხვდება ქართულ პრესასა და პუბლიცისტიკაში. თუმცა პირველ პუბლიცისტურ წერილებში არსად არაა ნახსენები არც ფერია, არც ფერებიდანი, ფერიდუნი თუ ფერიდანი. მათ ნაცვლად გვხვდება: სპარსეთში მცხოვრები ქართველების სოფლები, უფრო კონკრეტულად, ისპაპანის მახლობლად მდებარე ქართული სოფლები.

1877 წლის „დროების“ 186-ე ნომერში გადმობეჭდილია ინფორმაცია ეჩმიაძინის სომხურ ჟურნალ „არარატიდან“, სტატიაში არის ცნობები გადასახლებული ქართველების შესახებ: „სულ 2000 ოჯახი ქართველები ცხოვრობენ ფრეიდანისმაზრის სხვა-და-სხვა სოფლებში, ყველა ესენი თითქმის ნამდვილ ქართულ ენაზე ლაპარაკობენ; ხასიათთა და ჩვეულებით ქართველები არიან, მხოლოთ სარწმუნოება მაპადის მიუღიათ“.

ფერადდებას იქცევს ამ სტატიაში ტოპონიმი ფრეიდანი (სრული გახმოვანებით ფერებიდანი), რომელიც, სავარაუდოდ, პირველად ჩნდება ქართულ პრესაში და ამის შემდეგ თანდათან შემოღის მიმოქცევაში.

ამავე გაზეთის მომდევნო ნომერში ისევ იბეჭდება სპარსელი ქართველების თემაზე სტატია, ისევ მითითებულია წყაროდ ეჩმიაძინის სომხური ჟურნალი „არარატი“, ამ სტატიაში ფერებიდანი ორი ფონეტიკური ვარიანტითა წარმოდგენილი: ფრებოდანი და ფრეიდანი.

ზაქარია ჭიჭინაძე 1895 წელს აქვეყნებს ნაშრომს: „ქართველები სპარსეთში და საქართველოში მოსული სპარსელი ქართველი ათამ ონიკაშვილი“, რომელშიც ქართველებით დასახლებულ რეგიონს უწოდებს ფრეოდანს.

ლადო აღნიაშვილი თავის წიგნში ამ რეგიონს ფერებიდანად მოიხსენიებს, თუმცა სულ რამდენჯერმე ახსენებს მას.

აქ არ შეიძლება არ გაიხსენოთ ერთი საყურადღებო ფაქტი. ცნობილი ირანისტი იური მარი თეირანიდან თავის მამას, ნიკო მარს, 1925 წლის 4 მაისით დათარიდებულ წერილში

სწერდა, რომ აპირებდა ქართველების სოფლებში ასვლას. ის ამ რეგიონს უწოდებს ფერიდუნს / ფერეიდანს: „У грузин в Феридуне, или как армяне говорят в Ферейдане буду (զօյնե՞ծո ქարտվելեցիւան գյերուդյնշո, աճ րոգորը սոմեյեծո ամեռեցի - գյերեյօդանշո)“ (մարտ, 1962: 55). როგორც ვხედავთ, ոյքո մարմა გაմոჯնա յերտմանցութեան յէ որո սաხելվուցեბա օմու մոხեցոտ, ոյ զոն ոյքենեծ մաս: գյերեյօդան, րոգորը սոմեյեծո უწուցեցի ամ մեարես, და գյերուդյն, რոմյալու, როგորը ჩանს, უფրո გաვრცეլեցի յունա պարմա უნდა պաջուղուց օმ დროւուցուուს.

საგარაუდოდ, ქართულ პრესաშიც სწორეց სომხურօდան თարგմենուո სტატიու შეմდეგ დაմკვուდրდა ტოპონոմո ფერეյօდան. სամվյաբուրու, ქართულ սაზոგագուցեածո ամ დრուուցուու დակարգուցուա ცոდնա գյերօաս შյասեյ და մու աջուղու գյերեյօդան օգազեցի.

ფერეյօდնու ცեნტრո, დიდո ქართულո დასახեლեցի რაմցե նոմյ სახեლու մուսեյնուց: գյերուდյն შաპրօ/შաრტყოფ/ სოფეլօ/աხორա/աշուրա. այեւան մուս աდմոնիսტրաცուուլո სახելվուցեծա գյերեյօდյն შաპրո. յէ ქալայի հրდուլուցուու մամերցուու დա հրդուլուցուու սაზღვրաց յածլես და დշենու մուցի, ադմոնսავլեցուու კո մակազերու ծորցու օյրացի (ჭուաშვიլո, 1972: 89).

ფერეյօდյն შաპրո გաსულո საუցյնու 60-օան წლեბში შეյմենու ტოპոնոմու. 1965 წელს յէ որո დასახելեցի: ქյեմო աხორա (աხოրա գյանո) და ზյեմո մարტყოფ (աხოրա ծալա) გայրուուանդա და մաս ոფուցուալյուրա ეწու ფეրեյօდյն შաპրո. ոფուցուալյուրո სახելու დարქմեցիս გանիենու დա սամո შյասկլո გարուան- ტո: გოրչո შաპրո (ქართველեցիս ქալայի) გოլց შաპրո (ყვազուցեցիս ქալայի) და ფეրեյօდյն შաპրո (գյերեյօդյն - ქართულո გաեմուցանցի ფրուոն, սապարսետու յշորցնու გմորո). արჩ- ვան մըսամյ სახելվուցեծա შეჩერდა.

ზյեմო աხორա, სხցաგարա დ աხოրա ծալա/ ქյեմო աხოրա, სხցա- გարա დ աხოրա գյանո.

ასյ უწուցեბու ფერեյօდյն գյերեյօდյն შաპրու ნախուղեցի, սანամ გაյր- տուանց ბու და ქալայիս სტატյու մուցեցի. ზյեմո մարტყოფ (աხოրա ծալա/ზյեմո աხოրա) ყველաზე დიდո დასახելեցի ոյտ արա մեოւ դա ქართულ სოფლեցի შორու, արամյ დ მთლიანա დ, ფერեյօდանու ყველა დასახելեցի შოրու. պէ ոյտ და ახելուցեծ 1000 კომლո. ყველა საუბრობდა ქართულա დ [աშუրոვո, 1944].

ქვემო ახორაში სპარსულად ლაპარაკობდნენ. ახორე ფაინშიც მეოცე საუკუნის ორმოციან წლებში მოსახლეობა საუბრობდა მხოლოდ სპარსულად:

1877 წ. გაზეთი „დროება“	ზემო ახორი	ქვემო ახორა
ლ. აღნიაშვილი	ზემო (ბალა) ახორა	ქვემო (ფან)ახორა
სეიფოლა იოსელიანი 1922	ახორა-ბალა	ახორა-ფაინი
ალი რაზმარა 1954	ახორე ბალა	ახორე ფაინი
აშუროვი 1944	ზემო ახორა	ქვემო ახორა

სამეცნიერო ლიტერატურაში ახორა/ახორეს ორგვარ ეტო-მოლოგიას ვხვდებით:

გიორგი ჭიპაშვილი ირანელი გენერლის რაზმარას ინფორმაციაზე დაყრდნობით წერს: „მარტყოფი ფერეიდანის მთისძირის ჭიშკარს წარმოადგენს, იგი უკიდურეს მთებში მდებარეობს და ახორეს სახელწოდებაც აქედან მიუღია, სიტყვა ახორე ეტიმოლოგიურად ახერიდან მომდინარეობს, „ახერ“ სპარსულია და ქართულად ბოლოს, კიდეს ნიშნავს“ (ჭიპაშვილი, 1972: 89).

ასეთსავე განმარტებას ვხვდებით მარიამ კუტალაძის საკანდიდაციაში „ფერეიდანი და ფერეიდნელები“. ავტორი მას სპარსულ სიტყვად მიიჩნევს: **ახორე - ბოლო, კიდურა ნაწილი.** „ეს სიტყვა სპარსულია, ასე დაარქვეს მას ალბათ იმიტომ, რომ ეს სოფელი ფერეიდანის უკიდურეს დასავლეთ ნაწილში მდებარეობდა. ახორე ე.ი. ბოლო, კიდურ ნაწილს ნიშნავს“ (კუტალაძე, 1990: 82).

ლადო აღნიაშვილს ამ სიტყვის სხვაგვარი განმარტება აქვს თავის წიგნში: „**ახორა** [კი] არაბული სიტყვაა და ნიშნავს ბაგას“ (აღნიაშვილი, 1896: 190).

ამავე მნიშვნელობითაა ახორი სულხან-საბა თრბელიანის ლექსიკონში: „ახორი (მსურ Aa.) ქართული არ არის, ბაგა ას ჰქვიან ZA. (უმ.) ცხენის ბაგა B. ცხენის ბაგა Cab. ბაგა CqD.“

ახორი შესულია ქართული ენის განმარტებით ლექსიკონში: ახორი (ახორისა) - ცხენის ბაგა (საბა); 2. სახლს მოშენებული (ან მოღობილი) სადგომი, სადაც ზამთარში საქონელს აბამენ, - ბოსელი.

ეს სიტყვა დასტურდება ქართული ენის დიალექტებში, მათ შორის ჯავახურ დიალექტშიც: **ახორი - პირუტყვის სადგომი, - ბოსელი.**

ახორას ეტომოლოგიაზე განხვავებული ვერსიები შეგვხვდა უცხოელ მეცნიერთან, ბაბაკ რეზგანისთან, რომელიც განიხილავს ფერეიდნის ქართული ქალაქებისა და სოფლების დასახელებებს კავკასიის ადგილის სახელებთან მიმართებით. ახორას ერთ-ერთი ვერსიით უკავშირებს მდინარე ახორიანს, რომლის ნაპირებზეც განლაგებულია ძველი ქალაქი **ანი** (ანისი) თანამედროვე სომხეთისა და თურქეთის საზღვარზე. მას ეს საუკეთესო ეტიმოლოგიურ ახსნად მიაჩნია ახორასთვის, თუმცა იქვე აღნიშნავს, რომ ადგილობრივებს სჯერათ, რომ ეს ტოპონიმი წარმოდგება სპარსული სიტყვიდან **ახარე** (Akhare) (ბოლო პუნქტი, ბოლო ნაწილი) ან **ატ** ხორედან (A (b) khore) (სასმელი წყალი); სტატიის ავტორი უშვებს კიდევ ერთ ვერსიას: **თუ ხორრე** (to Khorre (or Farre)), რაც დათავებრივ კურთხევას ნიშნავს (Rezvani, 2008: 608).

ჩვენი აზრით, არც ერთი ამ ეტიმოლოგიური ძიებიდან არ უნდა იყოს სარწმუნო. ყველასთვის ცნობილია, რომ სახელთა ეტიმოლოგია მაღნე საფრთხილო საქმეა და არ არის შედეგიანი მხოლოდ გარეგნული, ფორმობრივი მსგავსების საფუძველზე მსჯელობა.

ვიკიპედით, ტოპონიმი **ახორას** კვალი საქართველომდე მოდის.

ჩვენი ყერადდება მიიქცია ერთმა საინტერესო ცნობამ. საქართველოში ჩამოსული პირველი ფერეიდნელი ქართველის ათამ ონიკაშვილის ინფორმაციაზე დაყრდნობით ზაქარია ჭიჭინაძე ქართული სოფლების ჩამოთვლისას ახსენებს **ზემო აკურასა** და **ქვემო აკურას** ცალკე და მარტყოფს ცალკე დასახლებად მოიხსენიებს, იგი მცხოვრებ ქართველთა რაოდენობასაც მიუთიებს:

მარტყოფი - 1200 კომლი; ზემო აკურა - 30 კომლი; ქვემო აკურა - 20 კომლი“ (ჭიჭინაძე, 1895: 22).

ნათელია, რომ აქ მარტყოფი, **ზემო აკურა** და **ქვემო აკურა** სხვადასხვა ოიკონიმად არის მიჩნეული, თუმცა ლადო აღნიაშვილმა, რომელიც 1894 წელს ჩავიდა ფერეიდნები და მოინახულა ქართული სოფლები, ზემო და ქვემო აკურას არსებობა იქ ვერ დაადასტურა.

როგორც ლადო აღნიაშვილი წერს, **აკურა** მცდარი ფორმა უნდა ყოფილიყო **ახორასი:**

„ბ- ზაქარია ჭიჭინაძეს დამყარებული აქვს ეს თავისი ცნობები რასაკვირველია ბ- ონიკაშვილის სიტყვებზედ, და

რომ პ-ნ ონიკაშვილს სრული სისწორით არ უამბინა, ამაზე მე დავარწმუნებ მკითხველს შემდეგის მოსაზრებიდან: ორივე ეს სახელი ერთი და იმავე სოფლებისაა. ზემო მარტყოფს საპარსელები ეძახიან ზემო (ბალა) ახორას და ქვემო მარტყოფს ქვემო (ფან) ახორას. აქედან სიტყვა ახორა დაუახლოებია სიტყვასთან აკურა და გამოსულა ორი სოფლის ადგილას ოთხი სოფლი: ზემო მარტყოფი, ზემო აკურა, ქვემო მარტყოფი, ქვემო აკურა. ახორა კი არაბული სიტყვაა და ჰნიშნავს ბაგას“ (ლ. აღნიაშვილი, გვ. 190).

მართლაც, ზემო და ქვემო აკურა გარდა ამ შემთხვევისა, სხვა წყაროში არსად გვხვდება, ამდენად, ლადო აღნიაშვილს სრული საფუძველი ჰქონდა შეენიშნა, რომ ათამ ონიკაშვილის ინფორმაცია მცდარი იყო. მისი აზრით, **ახორა/ახურა** ათამ ონიკაშვილის წარმოთქმით გაგებულ იქნა მცდარად და, საგარაუდოდ, შეცდომის მიზეზიც ეს გახდა.

თუმცა, ისიც უნდა აღინიშნოს, რომ ზაქარია ჭიჭინაძე არ ითვალისწინებს ლადო აღნიაშვილის შენიშნნას, ტოპონიმები ზემო და ქვემო აკურა უცვლელად გადმოაქვს მომდევნო გამოცემებშიც. 1906 და 1907 წელს სელმეორედ გამოცემულ წიგნებში იგი იმავე თანმიმდევრობით გვაძლევს სოფლების ჩამონათვალს. უცვლელადაა შეჩანილი ზემო აკურა და ქვემო აკურა წლების შემდეგაც. 1922 წელს ზაქარია ჭიჭინაძის მიერ გაზეო „ტრიბუნაში“ დაბეჭდილ სტატიაში. აქაც ზემო აკურა, ქვემო აკურა და მარტყოფი ცალკე დასახლებებად მოიაზრება.

აკურას შესახებ საუბრობს ამბაკო ჭელიძეც:

„ათამ ონიკაშვილს სოფლის სახელებიც კი აურევია. მას მოხსენებული აქვს ერთი მარტყოფი და ამავე დროს ასახელებს „ქვემო და ზემო აკურას. ეს „აკურა“ გადამახინჯებულია და, შესაძლოა, ბეჭდვის დროს დაუშვეს ეს შეცდომა. ნამდვილად კი „აკურა“ ახორაა – იგივე მარტყოფი. ა. ონიკაშვილს არა აქვს აგრეთვე მოხსენებული ისეთი დიდი და ნამდვილი ქართული სოფლები, როგორიცაა ჯაყჯაყი, ნინოწმინდა და სიბაქი. სამაგიეროდ, მას აქვს სრულიად სხვა სახელები – მელაპანი, მუკუხანი და მაჩხაანი, რიმლებიც არც აღნიაშვილსა აქვს მოხსენებული, და არც სხვებს უხსენებიათ შემდგომ“ (ჭელიძე, 1935: 167).

ჩვენი აზრით, ათამ ონიკაშვილის მიერ ნახსენები აკურა არ უნდა იყოს შეცდომის შედეგი, ვვიქრობთ, ზემო და ქვემო ახორა და ზემო და ქვემო აკურა ერთი და იმავე დასახლებე-

ბის სინონიმური სახელწოდებები იყო ჯერ კიდევ მცენრამეტე საუკუნის 70-იანი წლებისათვის ფერეიდანში ზუსტად ისევე, როგორც ეს საქართველოში დასტურდება ძველ წყაროებში.

ქართული ისტორიული დოკუმენტების შესწავლამ ძალზე საყურადღებო სურათი გვიჩვენა და ჩვენი ვერსია გაამყარა. ამ დოკუმენტებზე დაყრდნობით შეგვიძლია ვიღაპარაკოთ შუა საუკუნეების საქართველოში აკურას სახელწოდებით არსებულ რამდენიმე სოფელზე:

1. სოფელი აკურა, რომელიც დღესაც არსებობს დღევანდელი თელავის რაიონში. თუ ისკანდერ მუნის ცნობებს დაგურდნობით, შაპ-აბასს ერთ-ერთი ლაშქრობის დროს საქართველოზე სწორედ ამ სოფლის გზაზე გაუვლია, გრემთან მისეულა და დაბინავებულა. შუა საუკუნეების დოკუმენტებში ამ სოფლის სახელად აკურას პარალელურად გვხვდება ახურა: „აკურა - 1798 - ოქვენ მაღალირებას, წმინდას დავით გარესჯის მონასტრის არქიმანდრიტს თეოდოსის, მე, ბასილაშვილმან მღვდელმა დავით ჩემი შეიღვია თავი შემოგზირე და ოქვენც... მამული მიბოძეთ და დამასახლეთ ახურას...“ (ქამეის, 1903: 167-168).

აკურის ბოლო 1792 - ღმერთმან... საქართველოს მეფის ჭირი მოსცეს - დავით გარესჯის მონასტრის წინამდღუარს - არქიმანდრიტს იოაკიმს... მოეხსენება მათს სიმაღლეს კალაურელთაგან რამთენი ძვირი შეგვამთხვივეს მონასტრის მამულისათვის ახურას ბოლოს საწნავზე ... (ქსძ, VIII, 1985: 146).

„...ახურის ბოლოს, ალაზანში გამოღმა პირზედ, ვინც თარუი გააკეთოს, რაღაც წმინდის დავით გარესჯის მამული არის, წინამდღვრის თეოდოსის შეკითხვით უნდა ჩაუდგას...“ [ქამეის, 1903: 166].

დოკუმენტები საქმაოდ ბევრია, პირველი დათარიღებულია 1597 წლით, 1708, 1710, 1748, 1871, 1786... წლებით დათარიღებული საბუთები: „აკურა 1711 - ჯანდიერიშვილები, ვაჩნაძენი და ახურელნი საწნავს მიწებზედ შეცილდნენ... აკურის ჭვი რომ მღრივეს ჭვის შეეკრების, ჩავლით ალაზნამდის, ახურელთ დარჩა.“ (სიგ., I, 2010: 27).

2. აკურისი მდებარეობდა ქვემო ქართლში, ნასოფლარი: „აკურისი - 1654 ...ესე წყალობის წიგნი... გიბოძეთ ჩუენ მეფეთ-მეფემან შენ, ბარათაშვილის პაპუნასა ყმას აკურელს ამბალაშვილს ზურაბასა... და აკურის თქვენისაგ მეზობლის საჩინოსა და თაყაინო საკურძოდამე გამრეცლური მამული თურ-

ქისტანიშვილის ბაგრატისათვის ებოძა...“ [საქართველოს ისტორია ტოპონიმიაში (სიტ., I, 2010: 29).]

3. **აკრიანი**, სოფელ **მარტყოფის** ქველი სახელწოდება, ეს სოფელი მდებარეობდა 5-6 კილომეტრის დაშორებით ახლანდელი მარტყოფიდან და ლეკიანობის გამო მოსახლეობა ბარისკენ ჩამოსახლდა.

ცნობილია, რომ შაპაბასის დროს ქართველები აუყრიათ იმ ტერიტორიიდანაც, სადაც მდებარეობს **მარტყოფი** (იგივე აკრიანი) და, სავარაუდოდ, აქვე უნდა იყოს ნასოფლარი აბურისი.

შეუადგენების წყაროების მიხედვით **აკურა** და **ახურა/ახორა** სინონიმური სახელწოდებია ერთი და იმავე დასახელებისა საქართველოში.

ვფიქრობთ, სწორედ **აკურას/ახურისის** მოსახლეობა უნდა ყოფილყო გადასახლებულთა შორის, ამდენად დასახლების ორი სახელით მოხსენიება: აკურა/ახურა ქართული ტრადიციის გამოძახილი ჩანს. ამ სინონიმური წყვილიდან მეტად გამძლე აღმოჩნდა **ახურა/ახორა** (უ-ო მონაცემეობა ფერეიდნულში სპარსულის გავლენით გამოითქმის როგორც გორჯი; უთო - ოთო და ა.შ.)

შეგვიძლია ვთქვათ, რომ ფერეიდნის ქართული სოფლების ჩამონათვალში აკურა სულაც არაა შეცდომის შედეგი, ეს იმ ცოდნის გამოძახილია, რაც ათამ ონიკაშვილს პქონდა თავისი ბავშვობიდან, მაგრამ შემდეგ ქართული დასახლების სინონიმური სახელწოდებიდან ერთი დაიკარგა და დარჩა **ახორა/ახორას** შენარჩუნებას ხელი შეუწყო იმ ფაქტმა, რომ ის გაიგივდა არაბულ ან თურქული წარმოშობის სიტყვასთან: ახორა - ბოლო, კიდე; ახორა - ბაგა. ქართველებისთვის ეს ტოპონიმი უკვე უცხოენოვანად (სპარსულად) გაიაზრებოდა. სწორედ ამიტომ საზღამით აღნიშნავდა სეიფოლა იოსელიანი: „მარტყოფი, რომელსაც სპარსელნი ახორას ეძახიან“.

მარტყოფი/ სოფელი

როგორი უცნაურიც უნდა იყოს, ასე უწოდებენ ამ დასახლებას არა თავად მარტყოფის მცხოვრებნი, არამედ, სხვა სოფლის მკვიდრნი: თორელები, ახჩახლები, ბოინელები და დაშქესნელები. თავად მარტყოფელები ამ დასახლებას სოფელს უწოდებენ, საკუთარ თავს კი - სოფლიველებს.

მარტყოფი [ზემო და ქვემო მარტყოფი] ფერეიდანში არსებული ქართული სოფლების აბსოლუტურად ყველა ჩამონათვალში ფიგურირებს, რომლებიც კი ოდესმე ვინმეს შეუქმნია:

1877 წ. გაზეთი „დროება“	ზემო მარტყოფი	ქვემო მარტყოფი	
ზაქარია ჭიჭინაძე 1895			მარტყოფი
ლადო აღნიაშვილი 1896	ზემო მარტყოფი	ქვემო მარტყოფი	
გოგებაშვილი 1912	ზემო მარტყოფი	ქვემო მარტყოფი	
სეიფოლა იოსელიანი 1922	ზემო მარტყოფი	ქომო მარტყოფი	მარტყოფი
იური მარი 1925	ზემო მარტყოფი	ქვემო მარტყოფი	
ამხაკო ჭელიძე 1927	ზემო მარტყოფი	ქვემო მარტყოფი	
ირაკლი კანდელაკი 1944	ზემო მარტყოფი	ქვემო მარტყოფი	

დღეს ფერეიდნის მარტყოფის ხსენებაზე ყველას აგონდება საქართველოს მარტყოფი და, როგორც წესი, მათ ერთ-მანეთთან აკავშირებს. ბევრი ფიქრობს, რომ ფერეიდნის მარტყოფის მცხოვრებნი საქართველოს მარტყოფიდან უნდა იყვნენ გადასახლებულები, თუმცა, როგორც ვთქვით, არ არსებობს არანაირი წყარო, რომელიც ამ ვერსიას დაადასტურებდა ან უარყოფდა. თუმცა, ფაქტი, რომ ქართულ დასახლებას მარტყოფი ჰქვია, მრავლისმეტყველია.

როგორც ცნობილია, მე-17 - მე-18 საუკუნეებში ლეკიანობისგან შეწუხებულმა საქართველოს მარტყოფმა, რომელიც ღვთაების მონასტრის მისადგომებთან იყო გაშენებული, ნელნელა ბარისაკენ გადაიწია 3-4 კილომეტრით. ასე გაჩნდა ახალი დასახლება, რომელსაც თავად მარტყოფელები სოფელს /სოფლისუბანს უწოდებენ, აქაურ მაცხოვრებლებს კი სოფლებს/სოფლისუბნელებს ეძახიან (სახლთხუციშვილი, 1997: 29).

ვფიქრობთ, საგულისხმო ტენდენცია ჩანს, რომელმაც თავი იჩინა სპარსეთშიც კი, გადასახლებულმა ქართველებმა იქაც ახლად დაარსებულ დასახლებას სოფელი უწოდეს, თავს კი სოფლიველად მოიხსენიებენ.

სავარაუდოდ, მარტყოფი იყო ერთი დიდი დასახლების საერთო სახელწოდება, იგი იქოვოდა პატარა დასახლებებად, რომელთაგან თითოეულს ჰქონდა თავისი სახელი, უბნები, რო-

მელთაგანაც ყველაზე დიდი იყო ზემო ახორა და ქვემო ახორა - პარალელური სახელდებით ზემო აკურა და ქვემო აკურა, დროთა განმავლობაში ახორამ განიმტკიცა პოზიციები და შეავიწროვა აკურა, რომელიც ბოლოს საერთოდ დაიკარგა. ყველა მარტყოფელი თავს სოფლელს უწოდებდა, დანარჩენი ქართული სოფლების მოსახლეები კი (იგულისხმება დაშექსანა, ახჩა ბოინი, თორელი), ბუნებრივია, მას მარტყოფად მოხსენიებენ.

ფერეიდნელები რომ დასახლებული ადგილების ჩამოთვლის დროს არ მიჯნავენ უბნების სახელებს სოფლის სახელისგან, ფაქტია, და ჩვენთვისაც ხშირად ერთნაირად ჩამოუთვლიათ სოფლისა და მისი უბნის სახელები.

ამ თვალსაზრისით საინტერესოა ამბაკო ჭელიძისადმი მიწერილი წერილი გიგო ჩუბინაშეილისა, რომელიც შეა აზიაში მყოფი ფერეიდნელი ქართველისაგან ჩაწერილ სოფლების სახელებს ჩამოთვლის. ამ ჩამონათვალში ერთმანეთის მიყოლებითაა დასახლებული, როგორც სოფლის სახელები, ისე მისი უბნები: 1) მარტყოფი (დიდი სოფელი), 2) ორი სოფელი ქვემო და ზემო კახორა, 3) სიბაქი, 4) ჯაღჯაღი, 5) ბოინი, 6) აფუსი, 7) ციხე, 8) ცივი წყარო, 9) ლაჩნაანთ მაზრა, 10) გუგუნაან მაზრა, 11) სარდალია წყალი, 12) ქაზუმაანთ მაზრა, 13) ბახშიანთ მაზრა, 14) ონიკაანთ მაზრა, 15) დიზები (სსიპ გიორგი ლეონიძის სახელობის ქართული ლიტერატურის სახელმწიფო მუზეუმი/ 25810/).

აქაც მარტყოფი ცალკე დიდ სოფლადაა გამოყოფილი და ქვემო და ზემო კახორა (!) ცალკეა, რაც იმას ნიშნავს, რომ შესაძლებელია, მართლაც დიდი სოფლის უბნები ყოფილიყო ზემო და ქვემო ახორა თუ აკურა.

ანგარიშგასაწევია ის ფაქტიც, რომ, როგორც ჩანს, მარტყოფს რამდენიმე ახალი მიგრაციული ტალღაც დაემატა მომდევნო პერიოდში, რის შედეგად მარტყოფსაც გამოეყო მოსახლეობა, დასახლდა ცალკე სოფელ ჩუღრუთს, ჯაყჯაყსა და სიბაქს. ახლაც ამ სოფლების ქართველი მაცხოვრებლები თავს მარტყოფის განაურად მიიჩნევენ.

აფუსი/ რუისპირი მთიანი ადგილია, დღეს ქალაქის სტატუსი აქვს.

ლადო აღნიაშვილი აღნიშნავს, რომ „აფუსისწინად ორი სხვა სახელი რქმევია. ჯერ ყოფილა ამის ადგილს დეი (სოფელი) რუისპირი, შემდეგ დეი (სოფელი) რუსთავი, მაგრამ დღეს

ნიშანად ამ სოფელის ოდესმე არსებობისა, ორი სახლის ნანგრევი-დაა დარჩენილი შიგ სოფელის პირში... დღეს განახლებულ სოფელს მიუღია სახელწოდება აფუსისა... (ლ. აღნიაშვილი, 1896: 189).

აფუსიც, ისევე, როგორც მარტყოფი, ქართული სოფელების ყველა ჩამონათვალში ფიგურირებს, მათ შორის მეცხრამეტე საუკუნის ბოლოს სომხური ჟურნალებიდან გადმოთარგმნილ სტატიებშიც. გეხვდება სხვადასხვა ფონეტიკური ვარიანტით: აფრუზი (დროება, 1877, 186]; აფუს (დროება 1877, 187); აფური (ტრიბუნა, 1922, 341); პაფუსი (აშუროვი, შსს არქივი).

როგორც ფერეიდნელები აღნიშნავდნენ ჩვენთან საუბარში, აფუსი იყო პირველი სოფელი, სადაც დასახლდნენ ისპაპანიდან ამოსული ქართველები და მხოლოდ შემდეგ გადავიდნენ სხვა სოფელებში.

აფუსში დაახლოებით 100-ზე მეტი წელია, რაც ქართულად აღარ საუბრობენ, თუმცა სოფელი დღესაც ეთნიკური ქართველებითაა დასახლებული.

	აფუსი	აჭური	აჭრუზი	კაფუსი	რუსიპირი	რუსთავი
გაზეთი დროება „1872	✓					
გაზეთი დროება 1877, N186			✓			
გაზეთი დროება 1877, N187	✓					
ზაქარია ჭიჭინაძე 1895	✓					
ლადო აღნიაშვილი 1896	✓				✓	✓
იაკობ გოგიაშვილი 1912	✓					
სეიფოლა იოსელიანი 1922	✓	✓				
იური მარი 1925	✓	✓				
ამბაკო ჭელიძე 1927	✓				✓	
ალი რაზმარა 1954	✓					
აშუროვი 1944				✓		
კანდელავი 1944					✓	
ფერეიდნელი ქართველები	✓	✓			✓	

თორელი/თოლელი/მიანდაშტი/თელავი/ დომბექამარი/ქამარი. ქართველებთან ერთად ცხოვრობენ სპარსელები. დღეს ამ დასახლებას ქალაქის სტატუსი აქვს.

ლადო აღნიაშვილი ფერეიდანში ვიზიტისას პირველად ამ სოფელში შევიდა, როცა სოფლის სახელი იკითხა, მიუგეხს, რომ ეს დომბექამარი იყო. მას, რა თქმა უნდა, არ ეცნო სახელი, რადგან მხოლოდ **თოლეელი** ეწერა წიგნაკში და ამდენად ვერც მიხვდა, რომ თოლელში იყო, სანამ შემთხვევით არ მოისმინა ქართული საუბარი.

თოლეელი გვხვდება იმ შეიძიო სოფლის ჩამონათვალშიც, რომელიც ეპუთვნის ნიკოლოზ ყიფიანს და შექმნილია 1872 წელს ათამ ონიკაშვილის ინფორმაციაზე დაყრდნობით. 1877 წლის 186 ნომრის საგაზეთო სტატიაში კი ვხვდებით საპარ-სული წარმოშობის ოკუნიმს - **მიუნდეშტს**, იქვე ნახსენებია თელავი: „მიუნდეშტი ანუ თელავი“, 1877 წლის 187 ნომერში დაბეჭდილ სტატიაში - მხოლოდ **თელავი**; დადო აღნიაშვილი მას **თოლეელს** უწოდებს.

დღეს სოფლის სახელწოდებად გვხვდება **თორელი**. აქაური ქართველები საკუთარი წარმომავლობის სახელადაც **თორელს** ასახელებენ (სხვა სოფლის მკიდრნი მათ ზოგჯერ თანიანი მრავლობითის ფორმით მოიხსენიებენ: თორელი – თორელის მკვიდრი). ჩვენს კითხვაზე, სოფლის რომელი სახელწოდება არის მათვის ბუნებრივი, თორელის მცხოვრებმა **აბოლყასემ აქმადიმ** დაუფიქრებლად გვიპასუხა: „ჩვენთან მხოლოდ ვამბობთ თორელი“. ეს ფორმა დამკიდრდა დღეისათვის ქართულ სამეცნიერო სივრცეშიც.

თუმცა, უნდა ითქვას, რომ ქართულ დიალექტურ კორპუსში ჩვენ მიერ ახლად ჩაწერილ ტექსტებში, სხვადასხვა მთქმელთან ორივე ფორმა თანაბრად გვხვდება: თოლელი/თოლილი და თორელი. ზოგ შემთხვევაში ერთი და იგივე მთქმელი იყენებს ორივე ფორმას:

„**თოლელიზი** ვიყავ, რამესა ვწერდი...“ (მუხტარ დარჩიაშვილი, მარტყოფი).

„**თოლილია**, ბუნინა, აფუსია, დაშქესანია“ (ესკანდერ სეფიაშვილი, ნაჯაფაბადი).

„ხო, ეს არი **თორელის**, ჩონ ქართველების მინდორის ბალახები“ (აბოლყასემ აქმადი, თორელი)

„ეს **თორელ-ბოინელთ** ლექსია“ (ჰეიდარ დარჩიაშვილი, მარტყოფი - თეირანი).

საქართველოს სხვადასხვა კუთხეში შეგვხვდება ამ ძირის შემცველი ტოპონიმები: ერწო-თიანეთში ყოფილა სოფელი

თორიულთკარი, დღეს იგი უკალოდ არის გამქრალი. (გ. ბე-
დოშვილი, 1980: 6); თიანეთში დღესაცაა სოფელი **თვალევი**.

თოლელს ხშირად **თელავადაც** მოიხსენიებენ. ლადო ად-
ნიაშვილმა ეს დააბრალა გაუგებრობას, რომელიც იქ ადრე
საქართველოდან ჩასული ვინმე აღექსის თუ, როგორც ზო-
გიერთი ისხენებდა - ზაქაროს არასწორ საუბარს მოჰყვა. ეს
ზაქარო რადაც დაუჯერებელ დაპირებებს აძლევდა უერეიდ-
ნელებს სამშობლოში დაბრუნებაზე. ის ამსგავსებდა უერეიდ-
ნის ქართული სოფლების სახელებს საქართველოში მისთვის
ნაცნობი დასახლებების სახელწოდებებს და აჯერებდა იქაურ
ქართველებს, რომ შაიურდი იგივე ნოდანი იყო, თოლელი -
თელავი და ა.შ. (აღნიაშვილი, 1896: 214). არ არის ცნობილი
აღნიაშვილის მიერ 1894 წელს ნახენები ზაქარო როდის სტუ-
მრობდა უერეიდანს, არის თუ არა თორელის თელავად მოხ-
სენიება მის სტუმრობასთან დაკავშირებული? დღეს მხოლოდ
ერთი რამის თქმა შეიძლება, 1877 წელს ქართულ გაზეთში
დაბეჭდილ სტატიებში ეს დასახლება უმავი თელავად მოიხ-
სენიება. ეს ოკონიმი საქმაოდ მყარი აღმოჩნდა, ის გვხვდება
სეიფოლა იოსელიანის ჩამონათვალშიც კი 1922 წელს:

„ქართველი სოფლები თოთხმეტი: მარტყოფი, ქომო მარტ-
ყოფი, სიბაქი... თოლელი, თელავს თოლელს დაუძახით...“;
„აფუსი და თელავი და ბოინიც კარგი სოფლებია...“; „თელავზი
უწინ ქონიარე ხალდი პყოლია...“ „თელავს კარგი მამულები
აქ...“ (ქართული დიალექტოლოგია, 1961:153; www.corpora.co, სეი-
ფოლა იოსელიანი).

ზაქარია ჭიჭინაძეც თელავს უწოდებს ამ დასახლებას. ამ-
ბაკო ჭელიძეც თრივე სახელს გვთავაზობს: თოლელი და
თელავი.

თუმცა, როგორც ჩანს, ყველა თორელისთვის არ იყო მი-
საღები თელავად მოხსენიება ამ დასახლებისა. ქართულ დია-
ლექტურ კორპუსის ტექსტებში გვაქვს ერთი საინტერესო პა-
საჟი, რომელიც ამას ადასტურებს:

„თოლელზი ვიყავ, რამესა ვწერდი და თოლილის მაგერ თე-
ლავი დავწერ. ამ მოხუც კაცმა, რო ბერ კაცი იყოს, მითხრა:
შენ თელავს ნუ დაჭწერ, დამწერე ემას, რო მე გმებყი!“
(www.corpora.co, მუხტარ დარჩიაშვილი). როგორც ჩანს, უერეი-
დანში ჩასული ვიზიტორის (თუ ვიზიტორების) გავლენით გა-
ჩენილი **თელავი** იმთავითვე იყო მიუღებელი თვით ამ სოფლის
მკვიდროთათვის, ხოლო მარტყოფის წრის სოფლების წარმო-

მადგენელი მეზობლები რამდენადმე დისტანციებული იყვნენ
სოფლის ისტორიულ სახელწოდებასთან და არ აკავშირებდათ
მასთან კოლექტიური მეხსიერების დრმა ფესვები.

თოლელის ვარიაციებს ამგვარად წარმოადგენენ წყაროები:

	თოლელი/თო ლერი	თოლელი	თოლელი	ფორმულა	თელავი	მანდაშავი	მუნიციპალი	დომესტიკარი	ქამარი
გაზეთი „დროება“ 1872	✓				✓				
გაზეთი „დროება“ 1877, N186					✓		✓		
გაზეთი „დროება“ 1877, N187					✓				
ზაქარიაჭიშინაძე					✓				
ლადო აღნიაშვილი	✓(თოლერი)							✓	
სეიფოლა იოსელიანი	✓				✓				
იური მარი								✓	✓
ამბაკო ჭელიძე	✓				✓			✓	
აშუროვი						✓		✓(დომბა ქამარი)	
კანდელაკი				✓					
ფერეიძნელი ქართველები	✓	✓	✓		✓	✓			✓

ბოინი დღეს გაერთიანებულია თორელთან, ქალაქის სტატუსი აქვს და ოფიციალურად იწოდება ბუნ-ზიანდაშტად. ცხოვრობენ ქართველები, ლურები და სპარსელები.

	ბოინი	ბომნი	ბუინი	ბოლნისი
გაზეთი „დროება“ 1872	✓			
ზაქარიაჭიშინაძე	✓			
ლადო აღნიაშვილი	✓			
სეიფოლა იოსელიანი	✓			
იური მარი	✓	✓		
ამბაკო ჭელიძე	✓			
ალი რაზმარა	✓			

აშუროვი			✓	
კანდელაკი				✓
ფერეიდნელი ქართველები	✓		✓	

დაშქესანაში ცხოვრობენ ქართველები, თურქები და სპარ-სელები. ამ სოფლის სახელი სხვადასხვაგვარად გხევდება: **ტაშქესანა**, **დაშქენტი / ტაშქენტი**, სეიფოლა იოსელიანი მას დაშქესანას უწოდებს, ასევე მოიხსენიებენ ფერეიდნის ქართველები მას დღეს.

ხალხური ეტომოლოგია ამ სოფლის სახელისა ასეთია: „დაშქესანა თურქული სახელია, ნიშნავს ქვას მტრეველს“ (www.corpora.co, მუხტარ დარჩიაშვილი).

ისპაპანის საბჭოთა საკონსულოს თანამშრომლის, ვინმე აშუროვის ცნობით, **დაშქესანაში** თავიდან ცხოვრობდნენ ქართველები და სომხები. მათ საერთო ეკლესია ჰქონიათ. ქართველების გამაპარაზიტის შემდეგ სომხებს დაუტოვებიათ ეს სოფელი და სხვაგან გადასულან, მათ ადგილას კი მეზობელი სოფლიდან, ხამიშლიდან თაორები გადმოუსახლებიათ.

როგორც ვთქვით, სოფლის სახელწოდება სხვადასხვა ფონეტიკური გარიანტით გვხვდება:

	ტაშქეშანა	დაშქენტი	ტაშვანტი	ტაშქენში	ტაშვაზია	დაშქესანა	ტაშქესანა	დაშქესანი
გვაზეთი „დროება“ 1872	✓							
გვაზეთი დროება 1877, N186		✓						
გვაზეთი დროება 1877, N187			✓					
ზზაქარა ჭიჭინაძე				✓				
ლლადო აღნიაშვილი							✓	
იიაკობ გოგებაშვილი					✓			
სსეიფოლა იოსელიანი						✓		

იიური მარი					✓	✓	
აამბაკო ჭელიძე							✓
აალი რაზმარა							✓
ააშუროვი							✓
ფფერეიდნელი ქართველები					✓		

ახჩაში მოსახლეობენ თურქების სპარსელები და ქართველები. **ახჩა**, იგივე აღჩა, გვხვდება ყველა წყაროში დაწყებული 1972 წელს გამოქვეყნებული სტატიიდან. **ახჩა** თურქელი სიტყვაა და ნიშნავს თეთრ მდინარეს. საქართველოში, კერძოდ, ჯავახეთში ყოფილა სოფელი **ახჩა**, ამავე სახელწოდების სოფელი გვხვდება ისტორიული ჰერეთის ტერიტორიაზე, დღევანდელ საინგილოშიც.

	ახჩა	ახჩა	ახრაი	აღჩა	ახჩალი
გაზეთი „დროება“1872	✓				
გაზეთი „დროება“ 1877, N186	✓				
გაზეთი „დროება“ 1877, N187	✓				
ზაქარია ჭიჭინაძე	✓				
ლადო აღნაშვილი	✓				
იაკობ გოგებაშვილი		✓			
სეიფოლა იოსელიანი	✓				
იური მარი			✓		
ამბაკო ჭელიძე	✓				
ალი რაზმარა				✓	
აშუროვი	✓				✓
კანდელაკი	✓				
ფერეიდნელი ქართველები	✓			✓	

გაშლოვანი/სიბაქი მდებარეობს მარტყოფის სამხრეთ-დასავლეთით 8 კილომეტრის დაშორებით. ცხოვრობენ ქართველები და ლურები.

ამ სოფლის სახელად გვხვდება როგორც **გაშლოვანი**, ისე **სიბაქი**. თავდაპირველი სახელწოდება უნდა ყოფილიყო გაშლოვანი, სიბაქი, მისი სპარსული შესატყვისი, მოგვიანებით უნდა დამკვიდრებულიყო (სიბ - სპარსულად გაშლი).

როგორც ფერეიდნელი ქართველები ამბობენ, გაშლოვანი (სიბაქი), ჩუდრუთი და ჯაყაყი მარტყოფის განაყარი სოფლებია, თუმცა ზოგიერთის აზრით, ეს მხოლოდ ჩუდრუთს ეხება, დანარჩენ სოფლებს კი - არა: „ეხლა ერთდა ვოქო ჩუდრუთელები და სოფლიველები ერთჯურად ლაპარაკობენ, ერთჯურადა ფიქრობენ. რასთინ რო? - ათას ათი წელს ემისევ წინა ჩუდრუთელები სოფლის იყნეს, ექითებ გადმოიდეს ჩუდრუთსა. სიბაქელები ჩუდრუთელებისათ და სოფლელებისათ არა ლაპარაკობენ, სხვაჯურად ფიქრობენ (ესკანდერ სეფიაშვილი, www.corpora.co).

არც ვაშლოვანი და არც სიბაქი არ არის ნახსენები პირ-ველ საგაზეთო სტატიებში (დორება, 1872, 1877); ამ სოფელს საერთოდ არ ახსენებს გოგებაშვილი; სეიფოლა იოსევლიანის ჩამონათვალში ის იხსენიება როგორც სიბაქი. ასევე სიბაქად მოიხსენიებს მას იური მარი, ამბაკო ჭელიძესთან გვხვდება როგორც სიბაქი, ისე გაშლოვანი; ირაკლი კანდელაკთან - გაშლოვანი... საბჭოთა კაგრის საელჩოს თანამშრომლის, აშუროვის მოხსენებაში ნახსენებია სიბაქი.

დღეს ორივე სახელწოდებას შეხვდებით ფერეიდნელების მეტყველებაში, თუმცა უპირატესობას ბოლო დროს ანიჭებენ სიბაქს. ამას ხელს უწყობს ისიც, რომ სიბაქი ოფიციალური სახელია ამ სოფლისა.

ბოლო დროს გაჩნდა სიბაქის ხალხური ეტიმოლოგიაც. ფერეიდნელი ქართველი, ესკანდერ სეფიაშვილი ცდილობდა აეხსნა ჩვენთვის, რომ სიბაქს ვაშლოვანთან საერთო არ ჰქონდა და შემოგვთავაზა თავისებური ასხნა ტოპონიმისა სიბაქი: „იცი, როგორ არი? - სიბაქია, პარსულათ სიბ ოზდათია. იმიშინა ჩემ მეშიდე პაპა, მეშიდე პაპა, ქარიშ ბაქ, ხო! და მეცხრავე მირზა ბაქ. სახელის უკან ბაქი ღქონდაყე, ხო! ემათაცა ერთ ემერი რო გუამბიანქე, ოზდაათი ბაგი ღყოლიაყე. პარსულათ შაიქნების სი ბაქ. იანი ოზდაათი ბაქი ღყოლია. -ვაშლისა, ვაშლი არ არი! ოცდაათი ბაგი, ოცდაათი ბერკაცი იგრე ღყოლია. მადხე! გითხრა ხო! ჩემ მეხუთე, მეშიდე და მერვე პაპას სახელს უკან ბაქი აყე. ურუჯყურბეგს არა აქ, ონიკას არა აქ, თავის ბიჭია ქერიშ ბაქ, მირზა ბაქ, ემ ორს ბაგი აქევე. არა, ვაშლთან ხელი არა აქ!“

ჩვენი გაკვირვების შემდეგ, მან შეარბილა კატეგორიული ტონი და გვითხრა შემრიგებლურად: ემასაც ამბობენ, ეხლა იმასაც ამბობენ (www.corpora.co, ესკანდერ სეფიაშვილი).

ეს ვერსია მოვისმინეთ მუხტარ დარჩიაშვილისგანაც:

„სიბაქი, ჩემ აზრით, ოცდათი ბაგი ჰყოლია და ბაგი თურქულად როგორც ხანი, როგორც გუბერნატური“ (www.corpora.co, მუხტარ დარჩიაშვილი).

	ვაშლოვანი	სიბაქი
ზაქარია ჭიჭინაძე	✓	
ლადო აღნიაშვილი		✓
სეიფოლა იოსელიანი		✓
იური მარი		✓
ამბაკო ჭელიძე	✓	✓
ალი რაზმარა		✓
აშუროვი		✓
კანდელაკი	✓	
ფერეიდნელი ქართველები	✓	✓

ჩუღრუთი დაშორებულია მარტყოფიდან 15 კილომეტრით. მოსახლეობენ ქართველები, ლურები და თურქები.

„ეხლა ვნახოთ ჩუღრუთელები რო სოფლეველებია, რაზე ჩუღრუთელნი ჰაიქნეს. პირველად თავით სოფელი ჩუყურადარი და თურქულ სახელია, ნიშნავს დაბალ, დაცემულ ალაგს“ (www.corpora.co, მუხტარ დარჩიაშვილი).

ბაბაკ რეზვანის თქმით, მას ასევე ეძახიან ჩოლრუთს. ამ სოფელს ადრე უწოდებდნენ ჩოლურ(ი)თა, რაც ავტორის აზრით, ნიშნავს (ან ნიშნავდა) დაბალ მთას ადგილობრივ ქართულ დიალექტზე (Rezvani 2009: 609).

	ჩუღრუთი	ჩუბრები	ჩუყურუთი	ჩუჯურები	ჩუგიურთი
ლადო აღნიაშვილი	✓				
იაკობ გოგებაშვილი		✓			
სეიფოლა იოსელიანი			✓	✓	
იური მარი	✓(ჭუღრული)				

ამბაკო ჭელიძე	✓			✓	
ალი რაზმარა				✓	
აშუროვი					✓
კანდელაკი	✓				
ფერეიდნელი ქართველები	✓			✓	

ჯაყჯაყში ცხოვრობენ თურქები, ქართველები და ლურები. მისი სპარსული, ოფიციალური სახელია ნეჟზად აბადი (Nehzad abad).

ჯაყჯაყი ვაშლოვანიდან (სიბაქიდან) დაშორებულია 13 კილომეტრით: „ცამეტ კილომეტრი ვაშლოვანსაყე რო წახიდე, მერე იქ ჯაყჯაყია, ქართველებისა“ (www.corpora.co, რეზო დაგითაშვილი).

ეს სოფელიც მარტყოფის განაყარად მიიჩნევა: „სიბაქი და ჯაყჯაყი და ჩუღურეთი სულ მარტყოფსაყე გადასულან, იქ დასახლებულან (www.corpora.co, მ. დარჩიაშვილი).

თავად ფერეიდნელები ამ სოფლის სახელის შემდეგ ეტი-მოლოგიას გვაწვდიან:

„...ექ რო ეს ჩადებდი, რო კილტე ემე ქნა, ეს ეგრე რო უნდოდა ჭმა მაასცეს, უნდოდა აჯაყჯაყო, მიიჩიდო-მააზიდო, ეგ ხმას აძლევდა, ჯაღჯაყებდა ესე და ეს ჯაღჯაყი ექ ხმა იმ სოფელისა ემაზე დაარქეს მეორე ჯაყჯაყი, მეორეთ ემას ნიშნავს, რო შენ ექ მიხოლ, ექ მიხოლ, მაინც ექ სოფელი არი და არა მხედავ. ექ მიდგები ემ ნახევ სოფელს დაინახავ, ამ წარა გვერდე რო მიდგები, იმ ნახევარს დაინახავ. ზუსტად პირდაპირ ერთგან, მაღალ-დაბალჩიგ არი, მიხოულ-მოხოული, მიჯაყებულ-მოჯაყებულს ვეძახით. - ჯაყჯაყს ვეძახით იმ ადგილს. ეს იმაზეგა მქიან იმ სოფელს ჯაყჯაყი (www.corpora.co, დარჩიაშვილი).

	ჯაყჯაყი	ჯაღჯაღი
ზაქარია ჭიჭინაძე	✓	
ლადონ აღნიაშვილი		✓
იაკობ გოგებაშვილი	✓	
სეიფოლა იოსელიანი	✓	
იური მარი	✓	
ამბაკო ჭელიძე	✓	
ალი რაზმარა	✓	
აშუროვი	✓	
კანდელაკი	✓	
ფერეიდნელი ქართველები	✓	

გარდა ამ დასახლებებისა, სხვადასხვა პერიოდში სხვადა-სხვა ავტორს დასახელებული აქვს რამდენიმე ქართული სოფელი, რომელთა კვალი დღეს გამქრალია, ზოგი მათგანი საერთოდ არ არსებობს, ზოგან კი ქართული მოსახლეობა აღარა.

1.შავსოფელი/შაურდი/შაიურდი/შაჰიურთი/შავურდი/შავურთი /შაჰურდი

ეს სახელწოდება 1877 წლის გაზეთ „დროებაში“ (№186) გვხვდება პირველად. ემიაძინის სომხური უურნალიდან გადმობეჭდილ კორესპონდენციაში, რომელიც თავის მხრივ მიღებული იყო თეირანიდან, საყურადღებო ინფორმაციას ვაწყდებით: „სულ 2000 ოჯახი ქართველები ცხოვრობენ ჭრეიდანის მაზრის სხვადასხვა სოფლებში... ამათ სოფლებს ჰქიან სახელად: აჭრუზი, დაშკენზი, მიუნდეშტი ანუ თელავი, შაჰიურთი, ახჩა, ზემო და ქვემო ახორა ანუ მარტყოფი და სხვ.“

ლადო აღნიაშვილი ახსენებს ამ სოფელს, როგორც **შაიურდს:** ამ სოფელში მცხოვრები, მისი თქმით, თათრული ენით (თურქულად) საუბრობენ (აღნიაშვილი, გვ.193).

სეიფოლა იოსელიანი ასევე გვაძლევს ქართული სოფლების ჩამონათვალში ამ სახელს: დიალექტურ ტექსტებში ამ სოფელს მოიხსენიებს როგორც შაიურდს, ხოლო გაზეთ „ბახტრიონში“ დაბეჭდილ სტატიაში გვხვდება შავურდი (ბახტრიონი, 1922, №18).

ამბაკო ჭელიძე ამ სოფელს **შავსოფელად** მოიხსენიებს და იქვე ფრჩხილებში უთითებს, რომ ეს **შაურდია**, აშუროვი - **შავურთს**, ბოლო დროს გამოქვეყნებულ სტატიებში კი გვხვდება **შაჰიორდი** (მიმინოშვილი, 2001: 8)

ფერეიდნელი სომხი, ლევონ მინასიანი ამ სოფელს ქართულ სოფლად მიიჩნევს და **შაჰურდს** უწოდებს (მინასიანი, 2001: 219).

2. **დევსური/დევსური /დეჰსური**, ლადო აღნიაშვილის წიგნში ქართულ სოფელთა ჩამონათვალში გვხვდება **დევსური** (აღნიაშვილი, 1896: 192). შემდგომ კი, ამ სოფლებზე საუბრისას - მისი ფონეტიკური ვარიანტი **დევსური**: „შაანათში სპარსული ენაა, ქვემო მარტყოფში სპარსული და ლორული, შაიურდში - თათრული (თურქული), და დევსურსა და ქედუბანაქში, ანუ ნინოწმინდაში - ქურთული“ (აღნიაშვილი, 1896: 192).

ტექსტში, რომელიც აკაკი შანიძის მიერ არის ჩაწერილი სეიფოლა იოსელიანისგან, ასევე გვხვდება სოფელი **დეჰსური**

იმ სოფელთა რიგში, რომლებსაც ქართულ სოფლებს უწოდებენ: ემეებს ქართველი სოფლებს დამახახიან. სხუებიც არი, რო ემას უკუთრების“ (ქართული დიალექტოლოგია, 1961: 153; [www.corpora.co, სეიფოლა იოსელიანი]).

1922 წელს უურნალ „ბახტრიონში“ დაბეჭდილ ინტერვიუში სეიფოლა იოსელიანთან ეს სოფელი ჩამონათვალში გამორჩენილია (ბახტრიონი, 1922: 18).

ნინოწმინდა/ქუდუბანაქი/ქუდგუნაქი, ლადო აღნიაშვილია პირველი, რომელიც ამ სოფლის დასახელებას გვაწვდის, თუმცა იქვე აღნიშნავს, რომ „ნინოწმინდა ჰკარგავს თავის სახელს და ბევრ ქართველსაც კი ქუდუბანაქი უფრო ემარჯვება ვიდრე ნინოწმინდა და ხშირად ლაპარაკში ნინოწმინდის სახელს თუ ქედუბანაქიც ზედვე არ დაურთვე, ვერც კი გაიგებენ“ (ლ. აღნიაშვილი, 1896: 186).

გამოდის, რომ აღნიაშვილი თქმით, 1894 წლისთვის აქ, ამ სოფელში, არათუ ადარ იციან ქართული და საუბრობები ქურთულად (აღნიაშვილი, 1896: 186), არამედ ივიწყებენ სოფლის ქართულ სახელსაც კი.

იაკობ გოგებაშვილიც, რომელსაც გამოქვეყნებული აქვს ფერეიდანის და ფერეიდნელი ქართველების შესახებ მცირე მიმოხილვა: „პატარა საქართველო სპარსეთში“, ასევე ახსენებს ამ სოფელს და უთითებს იქ მოსახლე კომლების რაოდენობასაც კი (გოგებაშვილი, 1992: 370).

იოკონიძი ნინოწმინდა მაიც რჩება ფერეიდნელ ქართველთა მეხსიერებაში გარკვეული პერიოდი, ის დასტურდება სეიფოლა იოსელიანთან და ამბაკო ჭელიძესთანაც: ნინოწმინდას დამახანის ქუდუბანაგს (სეიფოლა იოსელიანი); ამბაკო ჭელიძე ასახელებს იქ მოსახლე კომლების რაოდენობას - 400 სულს და აღნიშნავს, რომ ქართულს ივიწყებენ.

შაანათი, გვხვდება მხოლოდ ლადო აღნიაშვილთან, ავტორის თქმით, შაანათში ნახევარი ქართველები არიან, ნახევარი თათრები, მარტო ქართველები 100 კომლი. აქ სპარსული ენაა მხოლოდ.

დარბენდი/დარბანდი, ამბაკო ჭელიძესთან გვხვდება, ის ბახტიარების სოფელია და იმ დროისთვის 40 სული ქართველი ცხოვრობდა.

სარდაბი, მხოლოდ ამბაკო ჭელიძესთან გვხვდება, ავტორი მას ბახტიარების სოფლად მიიჩნევს და წერს, რომ 40 სული ქართველიც ცხოვრობდა.

ბადიგანი, ეს სოფელიც ამბაკო ჭელიძესთან გვხვდება, ავტორი მასაც ბახტიარების სოფლად მიიჩნევს და წერს, რომ აქ 25 სული ქართველი ცხოვრობდა.

აღაგოლი, სეიფოლა იოსელიანი აღაგოლს უერეიდნის ქართულ სოფელთა ჩამონათვალში ახსენებს, თუმცა იქვე განმარტყვს, რომ იმ დროისთვის ის ვაქტობრივად დაკარგული პქონდათ ქართველებს. „აღაღაგოლი ქართველებისა იყო, ქურთებმა წაართესეს. ეხლა ორ-სამ კომლი ქართველია იქა, რაქოენ კომლიცა ქურთია“ (სეიფოლა იოსელიანი).

უზუნ ბულაყი, იური მარის ჩანაწერებში ვხვდებით ვერეიდნული სოფლის ამ დასახელებას, საინტერესოა, რომ იური მარმა ეს ნაშრომი უერეიდანზე შექმნა უერეიდნელი ჯარისკაცის, ვინმე მათაყიას მეტყველებაზე დაყრდნობით. როგორც 1925 წელს ნიკო მარისადმი გაგზავნილ წერილში ჩანს, უერეიდანში ასვლასაც აპირებდა. შეძლო თუ არა თავისი ჩანაფიქრის განხორციელება, სამწუხაროდ, არ ჩანს.

სამის ლიანი, ამ სოფელსაც მხოლოდ იური მარი ახსენებს სხვა ქართული სოფლების ჩამონათვალში, როგორც ჩანს, იმ დროისთვის შესაძლებელია რამდენიმე ქართული ოჯახი მართლაც ცხოვრობდა ამ სოფელში, თუმცა დღეს ამის შესახებ არანაირი ინფორმაცია არ გვაქვს, ამ სოფელში ქართული ოჯახების არსებობა ვერც უერეიდნელმა ქართველებმა დაგვიდასტურეს.

ავჭალა, 1944 წელს უერეიდნის ქართულ სოფლებში იმყოფებოდა ცნობილი ქართველი კინორეჟისორი ირაკლი კანდელაკი, რომელმაც ვერეიდნელთა ცხოვრებაზე გადაიღო ვილმი „ვერეიდნელი ქართველები“, მასევ ეკუთხნის რამდენიმე პუბლიკაცია ვერეიდნელი ქართველების შესახებ. თავის სტატიებში ის სხვა ქართულ სოფლებს შორის ასახელებს სოფელ ავჭალას. საინტერესოა, რომ ეს სოფელი სხვების ჩამონათვალში არ ჩანს. ჯერ კიდევ ისპაპანში შეხვდა ექსპედიციის წევრებს პოლიციელი, რომელიც ვერეიდნელი ქართველი აღმოჩნდა სოფელ ავჭალიდან. სტატიაში აღნიშნულია, რომ ირაკლი კანდელაკი უკვე უერეიდანში ყოფნისას სოფელ ავჭალასაც სტუმრობდა (დროშა, 1958, 3:11-13).

გიორგიშმინდა, ამ სოფელს ასახელებს ირაკლი კანდელაკი სხვა სტატიაში (პიონერი, 1960, 5.9).

ხუნგი, ეს სოფელი წყაროებში მიჩნეული იყო როგორც სომხერი, ასე გვითხრეს ჩვენც იქ ყოფნის დროს აღგილობრი-

ვებმა. სომხების წასვლის შემდეგ რამდენიმე ქართულმა ოჯახმა იყიდა იქ სახლი და მიწის ნაკვეთი. ჩვენც მხოლოდ ამ სოფლის ეკლესიის ნაგრევებთან მივედით 2008 წელს და სოფელში შესვლა არც გვიფიქრია. თუმცა ხუნგს ქართულ სოფლად იხსენიებენ 2001 წელს ფერედიანში ჩასული ექსპედიციის წევრები ოთარ მიმინოშვილი და ნომადი ბართაია. როგორც ოთარ მიმინოშვილი წერს „ხუნგში ბატონი ამბაკო ჭელიძის სტუმრობაც ახსოვთ, მისი დაპირებებიც“ (თბილისის უნივერსიტეტი, 2001, 4:17). ამბაკო და სარა ჭელიძეები სოფელ ხუნგს არსად არ ახსენებენ. როგორც ჩანს, ეს ოჯახი, სადაც მისი სტუმრობა ახსოვდათ, სხვა სოფლიდან იყო საცხოვრებლად გადასული ხუნგში.

იაკობ გოგებაშვილს სხვა ჩვენთვის ნაცნობ სოფლებს შორის ქართულ სოფლად ნახსენები აქვს: **თონეთი, ყარაბაღი, გუთხე, გაღმა სოფელი, ხევის პირი**. გარდა ათამ ონიკაშვილისა, რომელიც 1871 წელს ჩამოვიდა საქართველოში სპარსეთიდან, იაკობ გოგებაშვილის ინფორმატორები სხვა ფერევიდნელი ქართველებიც უნდა ყოფილიყვნენ. გარდა ამისა, იაკობ გოგებაშვილს ხშირად სტუმრობდა წერა-კიოხვის გამავრცელებელ საზოგადოებაში სპარსეთში მოღვაწე ქართველი არქიმანდრიტი ევსევი ცაბაძე, რომლის რამდენიმე ინფორმაცია სპარსელი ქართველების შესახებ პრესაშიც იყო დაბეჭდილი.

ზაქარია ჭიჭინაძეს, რომელიც ასევე ეყრდნობოდა ათამ ონიკაშვილის, ევსევი ცაბაძის, რაფიელ ნებიერიძის, ასევე სომხურ გაზეთში დაბეჭდილ ინფორმაციებს, გარდა ყველა-სოფლის ცნობილი ქართული სოფლებისა, დასახელებული აქვს მელაანი, მუჯუზანი, მაჩხანი (ასეა!).

მეჯრუხევი, ამ სოფელს ახსენებს 1907 წელს ილია კურგანიძე, რომელიც ოთხი წელი ცხოვრობადა სპარსეთში (ისარი, 1907 - გაზ. „ისარი“, ტფილისი, 1907, 19).

ფერედიანის რამდენიმე დასახლების სახელი განხილულია ბაბაკ რეზვანის მიერ. ეს ტოპონიმები მოძებნილი აქვს იმ რეგიონში, სადაც ქართველები არ ცხოვრობენ. იგი რამდენიმე მათგანს ქართულ ახსნას უძებნის. მისი ოქმით, ფერედიანის ჩრდილო დასავლეთ ნაწილს უწოდებენ **ქარჩემბოს**. ეს ის ადგილია, სადაც მდებარეობს ქართული სოფელი შაჰეურდი და რამდენიმე სომხურ-თურქულენოვანი სოფელი. ტოპონიმში **ქარჩემბო** ავტორი გამოყოფს ქართ ძირს და ასე ადაგენს: *ქართჩემო ან *ქართჩემბა (ჩემი ქართველი/ჩემი ქართველო-

ბა). ავტორი ამის დასტურად ახსენებს ფერეიდნელ ქართველთა თვითშოდებას „ჩემ ძოლი“, რომელიც გამოიყენება როგორც პირველადი მარკირება საკუთარ ჯგუფთან იდენტიფიკაციისას. ამ რაიონში ბევრი ტოპონიმია, რომლებიც, მისი თქმით, შეიძლება აიხსნას მხოლოდ ქართული ენით. **ბალტაქი (Baltaq).** ასევე წარმოითქმის როგორც **ბალთახი (Baltakh)** - რისი მნიშვნელობაც შეიძლება იყოს: ბალთა ხე, ბალთა ხევი, ბალთა ტყე. ამ სამი შესაძლებლობიდან ავტორი უპირატესობას ანიჭებს ბალთა ხევს და უკავშირებს საქართველოში, თბილისა და თიანეთს შორის მდებარე სოფელს, რომლის სახელიცაა ბალების ხევი (Rezvani 2009: 610).

შემდეგი ტოპონიმები, რომლებსაც რეზვანი განიხილავს: **აზნავოლე (Aznavole/ Aznavule and Aznaule)** - უკავშირებს ტოპონიმ ზნაურს და ამოსავლად მიაჩნია ქართული სიტყვა აზნაური; **რაჭა (Racha)** - მდებარეობს ფერეიდანელი ქართული რაიონიდან დასავლეთით. ეს სოფელი არ არის ქართული დღეისათვის, თუმცა, ავტორის თქმით, ფერეიდანელი ქართველების სამშობლოა საქართველოს რეგიონი რაჭა. ამის ერთ-ერთ არგუმენტად ასახელებს იმას, რომ სტანდარტული სპარსული წარმოითქმით ის უნდა წარმოითქმოდეს როგორც რაჩეჟ (Racheh), თუმცა ბახტიარები და ქართველები მას უწოდებენ **რაჭას; ბალტიჯე (Beltije)** - საწყის ფორმად, საიდანაც მიღებულია ეს ტოპონიმი, მიიჩნევს: 1. ბალეთ-ჩი. - ბალეთი - ბლების ქვეყანა; 2. ბელთ ტუჩი.; **ენალუჯი (Enaluje)** - ენალუჯი.

ავტორის თქმით, ფაქტია, რომ ძალიან მნელია და თითქმის შეუძლებელი ამ ტოპონიმების ახსნა სხვა ენობრივი მასალის დახმარებით, გარდა ქართულისა.

მართლაც ძალზე მნიშვნელოვანი იქნებოდა ქართული ელემენტის დადასტურება არაქართულენოვანი რეგიონის ონომასტიკურ მასალაში, თუმცა აკადემიური სიზუსტით და შესაბამისი მეოდოდოგიური აპარატით. ბაბაკ რეზვანის მცდელობა, ახსნას ამ რეგიონის ზოგიერთი ტოპონიმი ქართული წარმომავლობით, ხალხური ეტიმოლოგიის დონეზე თუ შეიძლება იქნეს განხილული. სავარაუდოდ, ეს მოსაზრებები მისი ქართულენოვანი ინფორმატორების გავლენის შედეგი უნდა იყოს და ისინი უფრო ნაივური ეტიმოლოგიების შტაბეჭდილებას ტოვებენ. თუმცა ეს მასალა, იძლევა დაფიქრების საბაბს და აღვივებს მომავალი კვლევის ინტერესს.

დასკვნა. ტოპონიმების შესწავლა პოლიეთნიკურ საზოგადოებაში მნიშვნელოვანი ინფორმაციას გვაწვდის ჩასახლებულოთა ყოფა-ცხოვრების, ისტორიის შესახებ. დღემდე შემორჩა პირველ მიგრანტ ფერეიდნელ ქართველთა მიერ დარქმეული სახელების ერთი ნაწილი, თუმცა თავდაპირველი ინფორმაცია მათ შესახებ მიგრანტთა მეხსიერებაში დაკარგულია. ამიტომაც სამშობლოსთან ყოველი, თუნდაც ეპიზოდური კავშირი გარკვეულ კვალს ტოვებდა მათზე - „მეხსიერების აღდგენა“ და იმის მიხედვით, საქართველოდან ჩასული ადამიანი მისთვის ნაცნობ რომელ გეოგრაფიულ სახელს მიამსგავსებდა ფერეიდნელ ქართველთა სოფლების სახელებს, ჩნდებოდა დასახელების პარალელური ვარიანტები, ხშირად სრულიად გაუმართდებოდი. ბევრი სოფელი სახელწოდებასთან ერთად გაქრა, ბევრში მოსახლეობა მთლიანად ასიმილირდა სხვა ეთნიკურ ჯგუფებთან და სოფლის ძველი სახელიც დაიკარგა. ამას გარდა, მნიშვნელოვანი იყო სხვა ეთნიკური ჯგუფების გავლენაც - პარალელურად არსებობდა გეოგრაფიული პუნქტების მათ მიერ შერქმეული სახელებიც. ამას ემატება ადმინისტრაციული დასახელებებიც, რომლებსაც მოსახლეობა, ფაქტობრივად, არ იყენებს ერთმანეთთან საუბარში, თუმცა ოფიციალურ მიმოქცევაში მხოლოდ ეს ვარიანტები გამოიყენება.

ქართული ტოპონიმის შენარჩუნება ფერეიდნულ თემში თვითმყოფადობის ერთ-ერთი მნიშვნელოვანი მახასიათებელია. სტატიაში მხოლოდ სოფლების დასახელებები განვიხილავთ. არანაკლებ საინტერესოა ფერეიდნის მიკროპონიმია, რომლის შესახებ სტატიაც აგრეთვე მზადდება.

გამოყენებული ლიტერატურა:

აღნიაშვილი, 1896: აღნიაშვილი ლ., სპარსეთი და იქაური ქართველები, თბ., 1896.

აშუროვი, 1943: ნარკვეგი ფერეიდანის „ირანის ისპაპანის პროვინციის ქართველების შესახებ 1944 წლის 26 მარტამდე“, საქართველოს შსს არქივი, ფონდი 14, საქმე 229, აღწერა 25, ფუთი 39.

ბედოშვილი, 1980: ბედოშვილი გ., ერწო-თიანეთის ტოპონიმია, თბ., 1980.

გიგინეიშვილი, 1961: გიგინეიშვილი ი., თოფურია ვ., ქავთარაძე ი., ქართული დიალექტოლოგია, თბ., 1961.

გოგებაშვილი, 1912: გოგებაშვილი ი., საგანძურო, პატარა საქართველო სპარსეთში, თბ. 1992.

დროება, 1872: გაზ. „დროება“, ტფ., 1872, 13.

დროება, 1877: გაზ. „დროება“, ტფ., 1877, 186.

დროება, 1877: გაზ. „დროება“, ტფ., 1877, 187.

დროშა, 1958: ჟურ. „დროშა“, თბ., 1958, 3.

თბილისის უნივერსიტეტი, 2001: გაზ. „თბილისის უნივერსიტეტი“, თბ., 2001, 4.

ივერია, 1897: გაზ. „ივერია“, ტფ., 1897, 2.

ისარი, 1907: გაზ. „ისარი“, ტფ., 1907, 19.

კემულარია, 2010: კემულარია მ., ქურდოშვილი ს., ფერეიდნის ტოპონიმიდან, ქართველური ონომასტიკა, კრ. 4, თბ. 2010, გვ. 133-144.

კუტალაძე, 1990: კუტალაძე, მ. ფერეიდნი და ფერეიდნელი ქართველები, საკანდიდაცო დისერტაცია, 1990.

მარი, 1962: Mapp Ю. Н., Добавление к статье Тегеранские впечатления, იური მარის წერილები ნიკო მარს, თსუ შრომები, ტ. 99, გვ. 43-62, 1962.

ნიკიტინი, 1937: Nikitin, B., “Life and Work of Y. N. Marr, Jr.” Georgica 4-5, autumn pp. 278-86.

https://www.ocf.berkeley.edu/~shorena/PDF/Georgica_1_4-5.pdf

ორბელიანი, 1981: ორბელიანი, პ. ამბავნი ქართლისანი, თბ., 1981.

პიონერი, 1960: ჟურნ. „პიონერი“ თბ., 1960, 5.

რეზვანი, 2009: Rezvani B, The Fereydani Georgian Representation of Identity and Narration of History: A case of Emic Coherence, 2009.

საქართველოს ისტორია ტოპონიმიაში, ტ. I, თბ., 2010.

სახლთხუციშვილი, 1997: სახლთხუციშვილი უ., ადგილის დედა ანუ რას მოგვითხრობენ ტოპონიმები, თბ. 1997

სეფიანი, 2017: სეფიანი რ. (ლადო სეფიაშვილი), ირანის ქართველების მშობლიური მხარე, 2017.

ტრიბუნა, 1922: გაზ. „ტრიბუნა“, ტფ., 1922, 18.

უთურგაიძე..., 2002: უთურგაიძე თ., ჩეუბიანიშვილი დ., გიუნაშვილი ჯ., ხემო მარტყოფის მიკროტოპონიმის შესწავლისათვის, ბათუმის შოთა რუსთაველის სახელობის სახელმწიფო უნივერსიტეტის კრებული, II, 2002.

ქართლის ცხოვრება, ტ. II, ტექსტი დადგენილი ყველა ძირითადი ხელნაწერის მიხედვით ს. ყაუხჩიშვილის მიერ, თბ., 1959;

ქართული ენის განმარტებითი ლექსიკონი, ტ. I, 2008.

ქართული სამართლის ძეგლები, 1985: ქართული სამართლის ტექსტები ტ. 8, სასამართლო არზე-ოქმები და კერძო-სამართლებრივი აქტები, თბ., 1985.

ქრონიკები, 1897: ქრონიკები და სხვა მასალა საქართველოს ისტორიისა და მწერლობისა, შეკრებილი, ქრონოლოგიურად დაწყობილი და ახსნილი ო. ქორდანიას მიერ, წ. 2, ტფ., 1897.

ქრონიკები, 1903: ქართლ-კახეთის მონასტრების და ეკლესიების ისტორიული საბუთები, შეკრებილი ო. ქორდანიას მიერ [მისივე წინასიტყვაობით], ფოთი, 1903.

შანიძე, 1941: შანიძე აკ., ეპ კილოს კვალი საქართველოს გეოგრაფიულ სახელებში, საქართველოს სსრ მეცნიერებათა აკადემიის მოამბე, 1941, 8. ტ. 2. გვ. 761-768.

ჩუბინაშვილი, 1930: ჩუბინაშვილი გ., წერილი ამბაკო ჭელი-ძეს, სსიპ გიორგი ლეონიძის სახელობის ქართული ლიტერატურის სახელმწიფო მუზეუმი/ ა. ჭელიძის არქივიდან / 25810.

ჩხუბიანიშვილი, 2012: ჩხუბიანიშვილი დ. საენათმეცნიერო წერილები. თბ.2012.

ჭელიძე, 1935: ჭელიძე ა., ფერეიდნელი ქართველები, თბ. 1935.

ჭიჭინაძე, 1895: ჭიჭინაძე ზ., ქართველები სპარსეთში და საქართველოში მოსული სპარსელი ქართველი ათამ ონი-კაშვილი, თბ. 1895.

ჭიათაშვილი, 1972: ჭიათაშვილი გ., ირანის ქართველი მოსახლეობა, მნათობი, თბ., 1972, 8.

ჯავახიშვილი, 1998: ჯავახიშვილი ი., თხზულებანი 12 ტომად, ტ. 11, თბ., 1998.

ინტერნეტწყაროები:

www.corpora.co